



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

ANALECTA.

XLII. Plauti versus in Milite glorioso 705 ss. a Ritschelio ita scribuntur,

quādo habeo multōs cognatos, quid mihi opus est liberis?
nūnc bene vivo et fōrtunate atque ūt volo atque animo ūt lubet.
nām mea bona meis cognatis dicam, inter eos pārtiam:
[ideo ut liberi] me curant. visunt quid agam, ecquid velim:
priusquam lucet adsunt, rogitant noctu ut somnum céperim.

in primo versu libri Camerarii et Ursini *opus fuit mihi* habent, in Ambrosiano adparuit *opum* . . . hinc suspicere scribendum esse *quid opus mihi sit liberis?* versu tertio vetus Camerarii liber habet *Mea bonam ea morte cognati*, erasis eis litteris quae in decurtato ita scriptae sunt, *Meam bonam ea morte cognatim*, in Ursiniano ita, *Meā bona mea morte cognatī*, ex quo factum est *Mea bona mea morte cognatis*, id quod etiam in libro Ambrosiano Ritschelio videbatur esse. scribendum esse *in morti cognatis* Bothius recte intellexit: tantum abest enim ut *morte* e glossemate natum sit ut aegre eo verbo careamus. totum versiculum ita concinno,

bōna mea in morti cognatis didam, inter eos pārtiam.

nam dicendi verbum alienum est. idem illud *didam* restituo in Persa v. 757,

nūnc ob eam rem intēr participes didam praedam et pārticipabo. scriptum est *dividam*, antecedunt autem eidem numeri trochaici. versus quartus in Camerarii libris ita scriptus est, *Li apud me (te vetus) ederunt me curabunt*, in Ursini libro non *Li* est, sed *Illi*. in Ambrosiano non *Illi* fuit, sed duae tantum litterae, quarum altera *i* esse Ritschelius dicit: deinde eidem *apud* *mecurant* adparuit. hinc veri simile est Plautum scripsisse

ei apud me sunt, ei me curant: visunt quid agam, ecquid velim. reliquorum praeter Ambrosianum librorum vitiis hoc subest, *ei apud*

med erunt, me curabunt: sed adversantur numeri et praestant sane praesentia.

In eodem Milite v. 910 scribo

quasique ea res per me interpretem et tuam ancillam coeretur.
libri decurtatus et Ursinianus *ancilla ceretur*, vetus Camerarii *ancillam eieceretur*.

Versu 997 vetus liber Camerarii et Ursinianus habent *Domosibit ac dum huc transibit*, discrepat decurtatus eo quod *Domus ibit* habet. latere *domina* Acidalius vidit. suspicor scribendum esse

dómina ubi actutum *húc transibit*.

Versum 1013 Camerarii libri talem praebent

Sotium tuorum conciliorum et participem consiliarium.

in Ursini libro est *Sociorum tuorum consiliorum*. scribi potest

sociénnum tuorum cónsiliarum et párticipem insidiárum.

Versu 1040 miles multas se demori gloriatur quibus copia non sit. respondet Milphidippa

hém ecastor haut mirumst si habes carum

hominém tam pulcrum et praéclarum virtúte et fortem fáctis.

heus, dignior fuit quisquam, hómo qui esset?

libri *mirum si*: e quo sponte nascitur quod posui. tum *fortem* Ritschelii debetur: libri *formam*. secuntur Palaestronis verba,

non hércle humanust érgo.

nam vólturio plus húmani credóst.

libri habent *humanum stergeo*, quod ut emendaretur valde mirabilia proferri memini. quod posui *non hercle humanust ergo* Palaestrio clara voce et ut militem aduletur loquitur, tum ita ut ille non audiat addit *nam volturio plus humani credost*.

Lepida admodum sunt quae Saturio parasitus in Persa v. 77 ss. dicit, sed emendanda correcto uno verbo,

nunc húc intro ibo: visam hesternas reliquias,

quíerint recte nécne, num afuerit febris,

opértaen fuerint né quis obreptaverit.

scriptum est in libris *infuerit*: non recte Bothius *fuerit*, Ritschelius *is fuerit*. Curc. v. 17 *caruitne febris te heri vel nudius tertius Et heri cenavistine?*

XLIII. Ex Phoenice Ennii Nonius p. 245 27 haec profert, *tum tu isti credere atque exerce linguam* (plerique libri *lingua*), *ut argutari possis*. requiri *crede* Turnebus vidit. Ribbeckius autem in Tragicorum Latinorum reliquiis p. 43s. haec ita interpolavit,

tūn potuisti credere? —

[*mélius exacue*] *átque exerce linguam, ut argutárier*
póssis.

ne haec quidem displicuerunt Vahleno p. 134. scribendum est
tum tu isti crede te átque exerce linguam ut argutárier
possis.

videtur enim eiusmodi fuisse sententia 'fortiter agendi magistrum sequere, non argute dicendi. quodsi tamen loquendi potius quam faciendi praestantiam adpetis, tum te isti conmitte.'

XLIV. Charisius p. 99 P. *contubernale*. Pomponius in *Macco milite* '*cum contubernale*' inquit '*pugnaui quia (q codex) meam cenam.*' in *Comicorum Latinorum reliquiis* p. 200 haec ita scribuntur,

Cum cóntubernalei pugnaui quód meam cenam . . .

factum id est calidiore consilio: nam *contubernale* Iulius Romanus propter hanc ipsam ablativi casus formam attulit, ut mox *cereale* et in eodem capite multa alia. scribendum erat

cum contubernale pugnaui quia

meam <cenavit> cenam.

in vocabulo quod est *contubernale* tertia syllaba aut corripitur aut cum altera coalescit, ut in *tabernaculo* fit apud Plautum Trin. v. 726,

cássidem in capít. dormíbo plácídule in tabernáculo.

idem fit in *gubernabunt* in *Milite glorioso* v. 1091,

lepidé factumst: iam ex sérnone hoc gubernábunt doctius porro.

Nonius p. 83 28 *comedim pro comedam*. Plautus *Bacchidibus* '*quod dem scortis quodque in lustris comedim, congraecem, pater.*' Cicero in *Varronem epistula Paeti* '*set cura, si me amas, ut valeas, ne ego (addendum te, quod est in Ep. ad fam. ix 20) bona tua comedim: statui enim tibi ne aegroto quidem parcere.*' Pomponius *Prostibulo* *ego quaero quod edim, has quaerere quos cacent contrarius est.*' Pomponii versus in *Comicorum reliquiis* p. 209 sic scribitur,

ego quaero quód edim, hae quaerunt quód cacent: contráriumst.

scribendum potius videtur

égo quaero quod cómedim, hos quaerere quód cacent contráriumst. certe *edim* Nonius alio loco p. 507 aliisque exemplis explicat. ibi ex *Novii Bubulco* haec profert, *quod editis nihil est, quod cacetis copia est.* eadem est Pomponiani versiculi foeditas, in quo *has* in *hos* mutandum esse adparet. possum similia addere, sed nolo turpissima longius prosequi. in quarti pedis dactylo nulla est offensio.

XLV. Apud Petronium cap. 20 p. 20 8 Buech. haec scripta sunt,

Ascyrtos iam deficiente fabularum contextu 'quid ergo?' inquit: 'non sum dignus qui bibam?' ancilla risu meo prodita complosit manus et 'apposui quidem, adolescens: solus tamen medicamentum ebibisti.' 'itane est?' inquit Quartilla: 'quidquid satyrii fuit Encolpius ebibit?' in his prodita non intellego, intellegerem prolecta. deinde ut post apposui quidem aliquid excidissee statuamus minime necessarium est. satis enim perspicitur adposuisse illam medicamentum Ascyrtos quem adloquitur, neque inusitatum est ubi per et particulam transitus fit a narratione ad ipsa alicuius verba tamen omitti inquit. Phaedrus I 29 9 aper, cum vellet facere generosum impetum, Repressit iram et 'facilis vindicta est mihi, sed inquinari nolo ignavo sanguine.' neque vero postea quicquam addendum est, sed scribendum solus tamen medicamentum ebibit iste.

Contra excidit sane aliquid in his quae cap. 4 p. 6 12 leguntur, quodsi paterentur laborum gradus fieri, ut studiosi iuvenes lectione severa inrigarentur, ut sapientiae praeceptis animos componerent, ut verba atroci stilo effoderent, ut quod vellent imitari diu audirent sibi nihil esse magnificum quod pueris placeret, iam illa grandis oratio haberet maiestatis suae pondus: sed ut discerent post audirent excidissee inanis est opinio. sibi enim quod sequitur ostendit scribendum esse ut quod vellent imitari diu audirent, ut persuaderent sibi nihil esse magnificum quod pueris placeret.

XLVI. Cum alia multa quae in scriptis L. Annaei Senecae mendosa sunt nullam doctis hominibus suspicionem moverunt, tum illa quae in Dialogo v sive in libro de ira I 37 3 leguntur, non aequis quendam oculis vidisti quia de ingenio tuo male locutus est. recipis hanc legem? ergo te Ennius, quo non delectaris, odisset, et Hortensius simultates tibi indiceret, et Cicero, si derideres carmina eius, inimicus esset. non potuit Seneca causam simultatum ab Hortensio expectandarum praeterire cum Enniani Tullianique odii causas adderet. itaque post Hortensii nomen eiusmodi aliquid intercidit, si orationes eius improbares. nimirum ea quae omissa sunt et simultates quod sequebatur eisdem litteris incipiebant: quo factum est ut in transcribendo peccaretur.

In libro de beneficiis VI 23 6 haec scripta sunt, vide animi quantum audeant, quemadmodum soli aut noverint deos aut quaerant et mente in altum data divina comitentur: scies non esse hominem tumultuarium et incogitatum opus. nimis securo homines docti de lingua Latina fuerunt animo. scribendum est enim mente in altum elata.

idem mendum tollere dudum oportuerat ex Plinii Nat. hist. xi § 68, ubi quod scriptum erat *in altum datae* nuper demum correctum est recepto ex libro Lavantino *elatae*. sermo est de apibus.

XLVII. Quod scriptum est apud Senecam Ep. 64 8 *vis subita* mutandum esse in *pituita* alias docui commemoravique inter alia quae Nonius p. 119 18 habet, *gramiae, pituitae oculorum*. poteram addere quod in Placidi Glossis apud Maium Class. auct. t. III p. 467 legimus, *gramis, gremis, quae sunt pituitae oculorum*. quae interpretamenta qui consideraverit non putabit Paulum scripsisse quod apud Muellera p. 96 et in ceteris exemplaribus omnibus legitur, *gramiae oculorum sunt vitia, quas alii glamas vocant*, sed *vitia* mutandum esse in *pituitae*.

XLVIII. Ad Horatii illa Serm. I 4 52, *numquid Pomponius istis Audiret leviora, pater si viveret?* Porphyrio haec adscripsit, *mira urbanitate et amaritudine Pomponi persona abusus est quasi argumenti loco ut eum carperet*. cui admonitioni parendum erat saepenumero etiam alias ubi et olim et nuper interpretes eos homines quos Horatius ex inproviso carpit inter dudum mortuos et a Lucilio perstrictos quae-siverunt. in Cruquiana sylloge consimile scholion invenitur, *quam est haec Horatiana et tacita obiurgatio Pomponii luxuriose viventis*. sed *tacita obiurgatio* ineptum est, neque minus inepte antea in alio apud Cruquium scholio ad *nepos*, quod v. 49 legitur, adscriptum est *tacita et egregia significatio filii luxuriose viventis*. patet autem utrobique scribendum esse *faceta*.

XLIX. In epitoma Ethnicorum Stephani Byzantii haec leguntur, Ἀγρίαι, ἀρσενικῶς, ἔθνος Παιονίας μεταξὺ Αἵμον καὶ Ῥοδό-
πης. — λέγονται καὶ Ἀγριᾶνες, ὡς ἐν τῷ ἐπιγράμματι γρα-
φέντι εἰς Νεοπτόλεμον Πισίδην οὕτως

Εἰμὶ Νεοπτόλεμος Κρεσσοῦ, τρισσῶν δ' ἔν' ἀδελφῶν

ἔστασαν Τλωεῖς, κῦδος ἐμὸν δόρατος,

οὔνεκεν ὧν Πισίδας καὶ Παίονας ἦδ' Ἀγριᾶνας

καὶ Γαλάτας τόσσους ἀντιάσας στόρεσα.

frivola sunt maxima ex parte quae de hoc epigrammate Iacobus Gro-novius scripsit neque debuit ea repetere Iacobsius Anth. Gr. t. XIII p. 767. adscripsi versus quales Meinekios p. 21 dedit: sed insunt quae mirer atque emendanda esse censeam. ac primum quidem quid atti-nuit Neoptoleum unum e tribus fatribus dicere cum nihil tamen de fratribus eius duobus adderetur? deinde κῦδος ἐμὸν δόρατος, si ve-rum fateri volumus, non potest intellegi: neque enim adparet unde suspensum sit. vidit hoc Alphonsus Heckerus Comm. crit. de Anth.

Gr. I p. 77 neque dubitavit quin recte ita emendaverit, *κῦδος ἐλόντα δόρι*, nisi quod *δορός* fortasse praestare dixit: sic commodam esse sententiam. at remanet incommodum illud *τρισσῶν δ' ἔν' ἀδελφῶν*, quod Heckerum non offendisse miror. sed, quod Meinekii commemorare oblitus est, *ἔν'* ab Iacobsio factum est Anth. Pal. t. III p. 926, libri *ἐν* habent. versu tertio Bergkii in Diario studiorum antiquitatis a. MDCCLXIV p. 271 non recte scripsit *οὔνεκ' ἐγώ*. nimirum *Πισίδας* nominativus est casus verumque est aut *οὔνεκεν ὧν* aut quod Salmasius ex suo libro protulit *οὔνεκ' ἑῶν*. scilicet in Neoptolemo Pisidam epigramma esse scriptum Stephanus dixit ipso fretus epigrammate. Tloes autem qui in eo memorantur non Lycii fuerunt, sed Pisidici. Stephanus p. 627 13 postquam de Lyciae urbe dixit haec addit, *ἔστι καὶ ἄλλη Τλωῶς, πόλις Πισιδίας*. itaque a Pisidis Pisidae Neoptolemo monumentum positum est propter devictos tres populos. sed horum populorum eum qui primo loco commemoratus erat ignoramus qui fuerit. nam *καὶ Παίονας* scriptum est a Salmasio: libri habent *καὶ ἄνες*. non mala tamen Salmasii est coniectura: quamquam enim Agrianes a Stephano Paeoniae gens dicuntur, adcuratius tamen alii eos a Paeonibus distinguunt, neque Stephanus *ἔθνος Παίωνων* dixit sed *Παιονίας*. ultimo epigrammatis versu in libro Rehdigerano
^σ
τοσσὺς, in ceteris *τοσσούς* scriptum est. vitii admonet accentus, sed admonet simul emendationis. nam si incertum illud *καὶ Παίονας* exceperis, restitui potest epigramma arte leni et certa. scribendum est enim

*Εἰμὶ Νεοπτόλεμος Κρεσσού, τρισσῶν δ' ἐν ἀδελφῶν
 ἔστασαν Τλωεῖς κῦδος ἐμοῦ δόρατος
 οὔνεκ' ἑῶν Πισίδας καὶ Παίονας ἡδ' Ἀγριᾶνας
 καὶ Γαλάτας, τρισσὺς ἀντιάσας, στόρεσα.*

altero versu *ἐμοῦ* Gronovii est. *ἀντιάζειν* cum accusativo casu coniunctum exemplis firmat Lobeckius in Ai. v. 801. itaque Tloes Pisidici Neoptolemo Pisidae statuam propter tres populos devictos in trium fratrum templo posuerunt, idque cum aliquo acumine dicitur. qui tres fratres utrum Iuppiter Neptunus Pluto fuerint an alii significantur, de quibus coniecturam facere non tam difficile est quam inutile, dicere non possum.

L. Paucula addere volo Comicis Meinekii neque ea magni momenti: nihil enimvero, quamvis sit pusillum, in his rebus videtur esse neglegendum.

Vol. II p. 247 his leguntur versus,

ὠνειδισάς μοι γῆρας ὥς κακὸν μέγα,
οὐ μὴ τυχόντι θάνατός ἐσθ' ἢ ζημία,
οὐ πάντες ἐπιθυμοῦμεν, ἂν δ' ἔλθῃ ποτέ,
ἀνιώμεθ'· οὕτως ἐσμέν ἀχάριστοι φύσει.

Ciceronis haec sunt in Catone maiore cap. 2, *quo in genere est in primis senectus, quam ut adipiscantur omnes optant, eandem accusant adeptam: tanta est stultitiae inconstantia atque perversitas.* potest fieri ut illos versus, quorum interpretes eius meminerunt, in animo habuerit.

Cum eis quae vol. III p. 100 (xcviii) ex Maximo confessore proferuntur comparari potest proverbium quod est apud Demosthenem in Aristog. I p. 782 15 R., ἀλλὰ μὴν τοὺς γενομένους κύνas τῶν προβάτων κατακόπτειν φασὶ δεῖν.

Vol. IV p. 122 (viii). versum hunc Menandri, οὐδὲν πέπονθας δεινὸν ἂν μὴ προσποιῇ, paullo mutatum habet Iohannes Chrysostomus Hom. LXXX p. 771, ἀκουσον καὶ τῶν ἔξωθεν ταῦτα φιλοσοφούντων καὶ λεγόντων “οὐδὲν κακὸν πέπονθας ἔαν μὴ προσποιῇ.”

Vol. IV p. 614 (xli). versum hunc, quem ex Cassii Dionis Historia adfert, ἀφόρητός ἐστιν εὐτυχῶν μαστιγίας, Meinekius dicit etiam alibi se legere meminisse. legitur apud Isidorum Pelusiotam Ep. II 297 εἶθ' ὅτι καὶ μνημονεύεις ἐκείνων τῶν ἀρχαίων περὶ τῶν τοιούτων εἰρημένων, ἀφόρητος γάρ ἐστιν εὐπραγῶν μαστιγίας, καὶ ὅτι τὸ εὖ πράττειν παρὰ τὴν ἀξίαν ἀφορμὴ τοῦ κακῶς φρονεῖν τοῖς ἀνόητοις γίνεται. altera sententia Demosthenis est Olynth. x § 16.

Libanius Ep. 195 haec habet, οὐδεὶς γὰρ ἐναντίαν Ἱερῷ θήσεται τῷ τῶν μὲν ἄλλων διαφέρειν κατὰ τῆς φιλοσοφίας ἔρωτα, τῶν δ' αὖ φιλοσοφούντων τῷ χαίρειν ἔαν πωγῶνα καὶ τρίβωνα καὶ βακτηρίαν. senarium animadvertit Wolfius. potest comici poetae fuisse

χαίρειν ἔαν

πωγῶνα καὶ τρίβωνα καὶ βακτηρίαν.

LI. In excerptis ex libro Polybii xx cap. 9 p. 905 6 Bekk. haec narrantur, οἱ δ' Αἰτωλοὶ καὶ πλείω λόγον ποιησάμενοι περὶ τῶν ὑποπιπτόντων ἔκριναν ἐπιτρέπειν τὰ ὅλα Μανίῳ, δόντες αὐτοὺς εἰς τὴν Ῥωμαίων πίστιν, οὐκ εἰδότες τίνα δύναμιν ἔχει τοῦτο, τῷ δὲ τῆς πίστεως ὀνόματι πλανηθέντες, ὥς ἂν διὰ τοῦτο λειοτέρου σφίσις ἐλέου ὑπάρξοντος. Reiskius, a quo ἐλέου

factum est ex ἡλειοῦ, coniecit scribendum esse ἐτοιμοτέρου vel προχειροτέρου, et est sane utrumque tam aptum quam ineptum est λειοτέρου, sed veri simile neutrum est. scribendum est τελειοτέρου, cuius verbi prima syllaba quomodo neglecta sit satis adparet.

LII. Ad Rhesi v. 347 in scholiis haec Heracliti narratio adscripta est, ἐβδόμη δὲ Καλλιόπη ποιήσιν εὔρε ποιημάτων (sic Hermannus: liber Vaticanus πάντων) καὶ συνοικήσασα Οἰάγρῳ (sic Hermannus: liber συνοικήσαντα ἀγρῷ) γενᾶ Ὀρφέα, τὸν πάντων μέγιστον ἀνθρώπων ἐν τῇ κιθαρωδικῇ τέχνῃ γενόμενον, πρὸς δὲ καὶ τῆς ἐγκυκλίου μαθήσεως συγκρεματικώτερον· ὁγδόη δ' Εὐτέρπη, ἣ τὴν κατ' αὐλοῦ εὔρεν εὐέπειαν, συνοικήσασα Στρύμόνι ἐντεκνοῖ (sic Hermannus: liber ἐντεκνῶ) Ῥῆσον, ὃς ὑπὸ Ὀδυσσεύς καὶ Διομήδους ἀναιρεῖται. planum est ubi monstrum verbi συγκρεματικώτερον legitur requiri ἐμπειρότατον vel simile aliquid, neque id fugit Guilelmum Dindorfium. latere autem videtur doctius quid et depravationi, quae maxima est et paene portentosa in illis scholiis, magis obnoxium. unde audaciore quidem coniectura, sed quali in hac vitiorum colluvie saepe utendum est suspicor scribendum esse πρὸς δὲ καὶ τῆς ἐγκυκλίου μαθήσεως συγκεκροτημένον. similiter dixit praeter alios Demosthenes in oratione Olynthiaca altera § 17 δόξαν μὲν ἔχουσιν ὥς εἰσι θαυμαστοὶ καὶ συγκεκροτημένοι τὰ τοῦ πολέμου. genetivus cum hoc participio ita coniunctus est ut Philostratus dixit θαλάττης οὐπω γεγυμνασμένοι alique similia, de quibus disputavit Hemsterhusius adn. in Thomam magistrum p. 184.

LIII. Apuleius in Apologia cap. 9 hoc epigramma suum profert,
Florea sarta, meum mel, et haec tibi carmina dono,
carmina dono tibi, sarta tuo genio,
carmina uti, Critia, lux haec optata canatur
quae bis septeno vere tibi remeat,
sarta autem ut laeto tibi tempore tempora vernalia,
aetatis florem floribus ut decores.
tu mihi des contra pro verno flore tuum ver,
ut nostra exuperes munera muneribus,
pro implexis sertis complexum corpore redde,
proque rosis oris savia purpurei.
quod si animum inspires dona et iam carmina nostra
cedent victa tuo dulciloquo calamo.

recte Kruegerus quod v. 7 legebatur *das* in *des* mutavit: alii *da* posuerant. sed ultimum hexametrum non emendavit, qui intellegi non

potest. neque aut olim alii operae pretium fecerunt aut nuper is qui scribendum esse opinabatur *quod si animum inspirant dona haec tua*: nam ne hoc quidem intellegi potest aut, si potest intellegi, commoda est sententia. qualis autem quaerenda esset sententia Salmasius ex parte vidit: sed quod scribendum esse coniecit *quod si aulum inspires* neque vocabulum praebet quod placere possit neque consummat emendationem, cum *dona* in hac sententiae forma inutile sit. quod Apuleius scripsit minima mutatione restituitur: neque enim dubium mihi est ita eum locutum esse,

*quod si animam inspires donaci, iam carmina nostra
cedent victa tuo dulciloquo calamo.*

δόναξ a Graecis poetis saepe dicitur fistula, neque illud vocabulum Apuleium dedecet, quamquam alium poetam Latinum non memini eo uti.

LIV. Elegantissimum est Callimachi epigramma Anth. Pal. XII 150

Ὡς ἀγαθὸν Πολύφαμος ἀνέυρετο τὰν ἐπαοιδὰν
τῶραμένῳ· ναὶ γὰρ, οὐκ ἀμαθὴς ὁ κύκλωψ.
αἱ μοῖσαι τὸν ἔρωτα κατισχναίνοντι, Φίλιππε·
ἢ πανακὲς πάντων φάρμακον ἂ σοφία.
τοῦτο, δοκέω, καὶ λιμὸς ἔχει μόνον ἐς τὰ πονηρὰ
τῶγαθόν· ἐκκόπτει τὰν φιλόπαιδα νόσον.
ἔσθ' ἀμῖν χακαστας' ἀφειδέα πρὸς τὸν ἔρωτα.
τοῦτι παικίζει τὰ πτερὰ παιδάριον.
οὐδ' ὅσον ἀττάραγόν τυ δεδοίκαμες· αἱ γὰρ ἐπωδαὶ
οἴκοι τῷ χαλεπῷ τραύματος ἀμφοτέραι.

postquam versum alterum Meinekius coniunctis eis quae Eldikius et Heckerus invenerant recte restituit restant quarti distichi menda: nam v. 6 Heckeri *ἐκκόπτειν* non puto esse necessarium. in disticho illo quae docti homines temptarunt non opus est refutare, nisi quod declarandum esse duco cur ne Bentleii quidem opinionem eumve modum quo Meinekius illa opinione usus est probandum esse existimem. Bentleius igitur scribendum esse coniecit *παστάς*, addidit tamen 'in hac summa festinatione nihil excogitare queo quod vel mihi ipsi arri-deat.' Meinekius Bentleii inventum probat, sed ut recipi possit opus esse videt mutato distichorum ordine. scribendum igitur ita esse putat,

οὐδ' ὅσον ἀττάραγόν τυ δεδοίκαμες· αἱ γὰρ ἐπωδαὶ
οἴκοι τῷ χαλεπῷ τραύματος ἀμφοτέραι.
ἔσθ' ἀμῖν καὶ παστάς ἀφειδέα πρὸς τὸν ἔρωτα·
τοῦτι ναὶ κείρει τὰ πτερὰ παιδαρίων.

pronomine quod est *τού* poetam adloqui putat Philippum, a cuius amore se tutum praestare cupiat. sed primum *τοντί* Iacobsius mihi videtur rectissime alienum ab his versibus iudicasse: quidquid enim Callimachus carminibus suis ex Attico sermone admiscuerit, demonstrativa illa forma ab huius epigrammatis dialecto abhorret. deinde *ἀφειδέα ἔρωτα* non puto intellegi posse inpotentem puerorum amorem neque omnino illud dici hic potuisse, etsi recte dixit Paulus silentiarius Anth. Pal. v 255 *εἶδον ἐγὼ ποθέοντας, ὅπ' ἀπλήστοιο δὲ λύσσης Ἀηρὸν ἐν ἀλλήλοις χεῖλεα πηξάμενοι Οὐ κόρον εἶχον ἔρωτος ἀφειδέος*. accedit incommoda verborum conlocatio. denique uxoris commemoratione acumen epigrammatis retunditur: contra si ita finitur, *αἱ γὰρ ἐπρωδαὶ Οἴκοι τῷ χαλεπῷ τραύματος ἀμφοτέραι*, unum est et constans sibi epigramma, cuius omnis lepor eo continetur quod poeta duo valentissima amoris remedia sibi praesto esse adfirmat, poesin et famem. id quoniam summam sententiae efficit his inculcatur. quae cum ita sint, censeo ordinem distichorum non esse invertendum, sed scribendum mutata tantummodo duarum vocalium specie

ἔσθ' ἀμῖν χάκαστα (σάφ' ἦδεα) πρὸς τὸν ἔρωτα.

τοντεῖ, παῖ, κείρεν τὰ πτερά, παιδάριον.

id est *habeo equidem utrumque adeo (bene noram) adversus amorem remedium. hic, puer, decidebantur tibi pennae, puerule.* quod dixit *ἔκαστα*, cum deberet *ἐκάτερα* vel *ἀμφοτέραι*, non prorsus desunt huius abusionis exempla dictumque de ea est a Ludovico Dindorfio in Thesouro Stephani t. iii p. 355. repetam quae ibi prolata sunt et non nulla addam. itaque fuisse qui Iliadis iii 1 ix 180 656 hunc usum reperire sibi viderentur ex scholiis cognoscitur: male quidem illi, sed intellegimus tamen non tam inauditam fuisse hanc dicendi rationem ut non potuerit de ea cogitari: et additur in scholio ad iii 1 *ἔστι δὲ Ἀιτικόν*, quod sane mirum est. loquitur autem ita Dionysius Perieg. v. 400, *δισσῇ ζωσθεῖσα θαλάσση, Αἰγαίῃ Σικελῇ τ' ἄνεμον δέ τοι ἔλλαχ' ἐκάστη, Ἑσπέριον Σικελή, τὸν τε ζέφυρον καλέουσιν, Αἰγαίῃ δ' εὖρον.* similiterque v. 928, *δισσῇ ζωσθεῖσα θαλάσση, Περσίδι τ' Ἀραβίῃ τ' ἄνεμον δέ τοι ἔλλαχ' ἐκάστη, Ἀραβίῃ ζέφυρον, Περσίς δ' εὖροιο κελεύθους.* ad priora Eustathius haec adscripsit, *ὅρα ὅτι ὀφείλων ἐκάτερα εἰπεῖν διὰ τὴν Αἰγαίαν καὶ τὴν Σικελὴν (ἐπὶ δύο γὰρ συλληπτικῶς λέγεται τὸ ἐκάτερος), ὃ δὲ ἐκάστη εἶπεν, ὅπερ ἐπὶ πλῆθους εἴωθε λέγεσθαι. ποιήσει δὲ τοῦτο καὶ ἐν τοῖς μετὰ ταῦτα. καὶ ἔστι τοιοῦτόν τι καὶ παρὰ Ἑρμογένει.* ibi Bernhardyus “*Ερμογένει*

nescio quo loco.” leguntur haec in libro *περὶ εὐρέσεων* iii cap. 8 p. 125 W., ὥστε εἰς ἄπειρον προχωρεῖν δύνασθαι τὴν δριμύτητα εἰ ἢ λύσις μὲν εὐπορήσειεν ἐνστάσεως τε καὶ ἀντιπαραστάσεως, τούτων δὲ ἐκάστη πάλιν ἐπιχειρημάτων δύο ἢ καὶ τριῶν. Dionysii Halicarnassensis haec adferuntur, Ant. Rom. iii 2 ἐξ ἐκάστης πόλεως, ex Alba et Roma; vi 42 ἕκαστος τῶν ὑπάτων, T. Veturius et A. Verginius. ferri igitur fortasse poterit quod apud Aelianum de anim. ii 43 scriptum est ἔστι φῦλον ἱερᾶκων καὶ καλεῖται κεγχρηὶς καὶ ποτοῦ δεῖται οὐδὲ ἐν, ὀρείτης δὲ γένος ἄλλο αὐτῶν, καὶ ἕκαστός ἐστι δεινῶς φιλόθηλος καὶ ἔπεται κατὰ τοὺς δύσερωτας οὐδὲ ἀπολείπεται, ubi ἕκτερος requiri Schneiderus putavit. quod scripsi σάφ' ἥδεα aptissimum est. nam cum ab Amore se sauciatum esse sentiret Callimachus animum non despondit: sciebat enim se duo eximia habere remedia. neque fefellit eum opinio. itaque sanatus ab ingruente morbo illud dicit *bene noram*. deinde cum Amoris inrisione dicit *τουτεῖ, παῖ, κείρεν τὰ πτερά, παιδάριον*, hic, id est *apud me, in mea domo, in qua et musae habitant et fames, decisis humilis pennis factus es, puerule, exutusque et potentia et superbia*. *τουτεῖ* Doricum etiam apud Theocritum v 33 45 103 in multis libris in *τοντί* depravatum est. denique coniuncta *παῖ* et *παιδάριον* in hac cavillatione non magis displicent quam blandimentum illud Aristophaneum *Εὐριπίδῃ, Εὐριπίδιον*, cui similia addi possunt. Philippus non puer est, sed amicus quidam Callimachi. in Nicotelen, Philippi alicuius filium, duodecimo anno mortuum epigramma scripsit, quod est Anth. Pal. vii 453.

M. HAUPT.

EIN RÄTHSEL.

In dem Laurentianus Plut. 32, 16 stehen an der Spitze einiger Räthsel der Anthologie folgende einer späten Zeit angehörige, so viel ich weiß ungedruckte Hexameter:

Πέντ' ἄνδρες δέκα νηυσὶ κατήλυθον εἰς ἓνα χῶρον·
ἐν δὲ λίθοις ἐμάχοντο, λίθον δ' οὐκ ἦν ἀνελέσθαι·
δίψῃ δ' ἐξώλλυντο, ὕδωρ δ' ὑπερεῖχε γένειον.

R. H.